

BASES DO XVIII MARATÓN FOTOGRÁFICO DO CONCELLO DE VILAGARCÍA DE AROUSA – 8 DE MARZO

Todos os 8 de marzo, Día Internacional da Muller, vimos desenvolvendo diferentes actividades de concienciación e sensibilización no eido da igualdade de xénero. O Maratón fotográfico é unha destas actividades.

A fotografía pode ser un instrumento de reflexión sobre as desigualdade de xénero e por iso, esta actividade pretende, a través da observación e a creatividade, favorecer a visibilización destas desigualdades e provocar cambios de actitude en toda a sociedade. Para que estes cambios se produzan é necesaria a implicación de toda a cidadanía polo que, dende a Área de Igualdade – CIM invitamos a todas aquelas persoas que desfruten coa fotografía e queiran facer a súa aportación a dito cambio, a participar nesta actividade.

O Maratón será o 7 de marzo, no municipio de Vilagarcía e segundo o que se recolle nas presentes bases.

REQUISITOS:

Modalidade infantil: nenas e nenos nados entre 2012 e 2017

Modalidade xeral: A partir dos 14 anos (incluídos)

Requisito único: Ser afeccionada/o á fotografía, non poderán participar profesionais

TEMÁTICA

A IGUALDADE DE XÉNERO.

Na modalidade infantil haberá unha única proposta. Cada participante poderá presentar ata tres fotografías para optar ao premio.

Na modalidade xeral concretaranse tres propostas que se entregarán ao inicio do Maratón.

INSCRICIÓN

A inscrición realizarase por medio de solicitude, enviándoa por correo electrónico a maraton.muller@vilagarcia.gal. Estará dispoñible, xunto coas bases, en www.vilagarcia.gal. Tamén se poderá facer efectiva a través de sede. vilagarcia.gal, cos certificados electrónicos oficiais, a través do formulario 01001Solicitude xenérica e achegando o modelo de solicitude propio do maratón. Os participantes menores de idade, deberán achegar copia do DNI da nai, pai ou representante legal. O prazo de inscrición comezará o día 17 de febreiro e estará aberto ata o 3 de marzo.

DESENVOLVEMENTO DO MARATÓN:

Comezo: Ás 10.00 do sábado 7 de marzo, no Auditorio Municipal, terá lugar a recepción de todas as persoas participantes, e levarase a cabo a asignación dos números de identificación, que deberán conservarse ao longo de todo o concurso. Nese intre,

elixiranse os temas obxecto das fotografías entre varios sobres pechados e con diferentes propostas.

Controis: Ademais da recepción inicial, haberá un control ao que todas as persoas participantes deberán presentarse. Este control terá lugar entre as 13.30 e as 14.30, no CAD Gato Negro de Carril. Tanto na presentación inicial coma no control, responderanse todas as dúbidas que puideran xurdir con respecto ás bases e ao desenvolvemento.

Recollida das fotos e final do Maratón: Dende as 19.00 e ata as 23.59 de ese mesmo día, as persoas participantes enviarán as fotografías en arquivos anexos ao enderezo electrónico maraton.muller@vilagarcia.gal.

Na modalidade infantil ata tres fotografías relacionadas co tema elixido.

Na modalidade xeral, unha por cada un dos temas elixidos.

No asunto do correo aparecerá: MF e o número identificativo asignado a cada participante ao comezo do maratón.

No corpo do correo reflectirase soamente o número identificativo e, a continuación, o tema seguido do título completo de cada unha das fotografías. Ademais en arquivos anexos enviaranse as fotografías identificadas con tema e título.

NORMAS RESPECTO ÁS FOTOGRAFÍAS

As fotos entregaranse en arquivo JPEG. Poderán ser en color e/ou en branco e negro. O tamaño mínimo será de 20x30 cm.

Non poderán incluír bordos, marcas de auga, sinaturas ou elementos similares. Permítese o uso de axustes dixitais mínimos (luminosidade, contraste, ton, enfoque, balance de brancos,..)

Non se poderán engadir ou eliminar elementos que modifiquen a composición orixinal. A organización reservase a posibilidade de esixir a presentación do arquivo orixinal (/raw, tiff, jpg...) para comprobar a edición da fotografía presentada a concurso.

É responsabilidade das persoas concursantes que non existan dereitos de terceiras persoas sobre as obras presentadas.

Para corroborar que foron realizadas no día, comprobaranse os datos EXIF das mesmas, polo que é conveniente revisar a configuración das datas dos dispositivos que se utilicen.

NORMAS DO MARATÓN

Poderán participar as persoas previamente inscritas na Área de Igualdade, segundo as normas destas bases.

Todas as fotografías deberán ser realizadas dende a extracción dos temas e ao longo do día nos límites xeográficos de Vilagarcía. Serán descualificadas aquelas persoas que non se presenten á recepción inicial e ao control no lugar e hora indicados, así como

quen incumpra algunha norma reflectida nestas bases ou presente as fotografías fora do horario establecido. Cada fotografía, xunto co seu título e o tema no que se encadra, forman un todo que se valorará conxuntamente dentro da temática xeral da igualdade de xénero. As obras presentadas quedarán en propiedade do concello de Vilagarcía. A/o autora/o conservará a propiedade intelectual pero cederá en exclusiva e irrevogablemente os dereitos de reprodución para a súa exposición, publicación ou calquera modalidade que o Concello considere oportuna.

Na presentación inicial e na sesión de control, haberá un comité organizador facultado para resolver as dúbidas ou circunstancias especiais que puideran xurdir, así como para a interpretación destas bases. A súa decisión terá carácter definitivo.

PREMIOS

Modalidade infantil: o premio será unha cámara dixital (deportiva ou instantánea)

Modalidade xeral: tres premios, un por cada un dos temas propostos, que terán unha contía individual de 200,00 euros (aplicaráselles a lexislación vixente respecto das retencións fiscais)

XURADO

Será o encargado de seleccionar e valorar as fotografías. Estará composto por:

Presidenta: A Concelleira da Área, Tania García Sanmartín.

Vogais: Tres persoas relacionadas co mundo da fotografía, da imaxe, medios de comunicación,..., e unha representante do Consello Local da muller.

Secretaria/o: Persoal técnico da Área de Igualdade, con voz pero sen voto, que se encargará de levar acta da deliberación do premio.

A decisión do xurado será inapelable.

ENTREGA DE PREMIOS E EXPOSICIÓN

O veredicto do xurado e a entrega de premios darase a coñecer o 10 de abril. Ese mesmo día inaugurarase a exposición de todas as fotografías, destacando as premiadas e seleccionadas polo xurado polo seu interese e creatividade. A exposición poderá visitarse na Sala de Exposicións do Auditorio durante o mes de abril. Haberá tamén unha exposición virtual a través das redes do Concello.

A participación neste Maratón supón a plena aceptación destas bases.

Para consultar dúbidas ou aclaracións:

Área de Igualdade-CIM

Praza de Ravella 1,baixo

986 099 200 ext. 1107/1109

muller@vilagarcia.gal

www.vilagarcia.gal